



Хабар

Ўзбекистон Республикаси Алоқа Вазирлиги нашри

1992 йил мартдан чиқа бошлаган ● 1997 йил, 20 июнь № 25 (253)

Сотувда нархи эркин

ЛИЦЕНЗИЯ КЕЛИШУВИ ШАРТЛАРИ ҚАНДАЙ БАЖАРИЛМОҚДА?

1997 йилнинг ўтган беш ойида назорат қилувчи органлар фаолиятини мувофиқлаштирувчи Республика Кенгаши билан келишилган, Алоқа вазирлигида тасдиқланган режа жадвалидаги 30 оператор (алоқа соҳасида фаолият кўрсатиш учун рухсатнома (лицензия) олган ва алоқа хизмати кўрсатувчи юридик шахснинг барчасида лицензия келишуви шартларини бажарилиши Давлат алоқа назорати томонидан текширишдан ўтказилди.

Лицензия олган 25 оператордан 14 таси янгидан алоқа соҳасида фаолият кўрсата бошладди. Шу жумладан, янги алоқа хизмат турлари — уяли алоқа, радиопейжинг жорий қилинди, эфир ҳамда кабелда телекўрсатувлар намойиш этилмоқда.

Бу эса алоқа хизмати кўрсатувчи корхоналар кўпайиши ва рақобат юзага келишига олиб келяпти. Радиопейжинг бўйича «Камалак-ТВ», «Семург», «ДЭУ» қўшма корхоналарида, уяли алоқа ва телекўрсатувларда рақобат пайдо бўлмоқда.

Иил бошида тасдиқланган иш режасидан ташқари янги 15 та юридик шахсга берилган 17 та лицензия жадвал қилиниб, келишу шартларини текшириш ДАНнинг қўшма режасига киритилди. Текширилган 30 та юридик шахсдан 5 тасида: «Аргонет», Тошкент таксофон алоқа боғламаси, «Гулистон-ТВ», «Истиклол-ТВ», «Қарши-МТВ» да лицензия йўқ. «Аргонет» корхонаси Вазирлар Маҳкамаси комиссияси кенгашининг қарорига кўра лицензия учун рухсат берилганлиги қарамасдан лицензия олмаган. 25 юридик шахс 38 та лицензия олган. Шулардан 8 та юридик шахс 11 та лицензия бўйича фаолият кўрсатишмапти, булар «Симруз», «Нави», «Коинот», «Узалоқайўлдош», «ТВС-информ», «Малакали», «Хаким», «Алоқинвест» каби корхоналардир.

24 лицензията (жумладан «Алоқинвест», «Уздунробита», «Камалак-ТВ» каби) ишлатилаётган ускуналарга мос келадиган сертификат йўқ, 6 та лицензияда фуқароларнинг муножаатлари ҳисоби олиб борилмайди ва ҳисобот юритилмайди. 5 та лицензията сифат курсаткичларини ўлнатиш қоидалари тартиби олиб борилмапти.

«Алоқинвест» ҳиссадорлик жамиятини текшириш натижаларига кўра шиша толали алоқа кабелларини ётқизишда хатоларга йўл қўйилганлиги ва назорат қилинмаганлиги туфайли ТОЕ шиша толали кабель магистралнинг Тошкент-Самарқанд участкасида лойиҳадагидан 20 та кўп муфта қилинган. Шиша толали кабелларни ўлнатиш ва муфта қилиш учун халқаро сертификатли мутахассис йўқлиги боис

«Шаҳарлараро алоқа қурилиш» бажарган ишларни назорат қилишга олмаган.

Шаҳарлараро алоқа ва телевидение ҳудудий ишлаб чиқариш бирлашмаси 2 та лицензия олган бўлиб, лицензия келишувининг сифат мезонлари меъёри бажарилмапти, аммо 214 кабел қуруқ ҳаво босими остига олинмаганлиги оқибаотида, 48 ҳолатда кабелларнинг нам тортиши сабабли бузилишлар сони ошган. «Уздунробита» узбек-америка қўшма корхонасида тарифлар Алоқа вазирлиги билан келишилмаган. Сифат мезонлари, яъни майдон кўчланиши меъёри тўлиқ бажарилмапти.

«СТВ компанияси» (Самарқанд) Электромагнит мослашув маркази (ЭММ)дан частота олмаган. «Камалак-ТВ» узбек-америка қўшма корхонаси ишлатилаётган алоқа ускуналарига мос келиш сертификатини олмаган. «Алоқа-АК» (Гулистон) телеканалдан ЭММнинг рухсатсиз фойдалангани аниқланиб, Давлат алоқа назорати аралашувидан сўнг телекўрсатув тўхтатилди.

Қашқадарё, Сурхондарё, Самарқанд, Жиззах электралоқа ишлаб чиқариш давлат корхоналари «Сирдарётелеком» ҳиссадорлик жамиятида юқори юклатиш соати (ЧНН) шаҳар телефон тармоғидан (ШТТ) шаҳарлараро телефон тармоғига (ШАТТ), ШАТТдан ШТТга чиқишдаги йўқотувлар меъёрдан юқори бўлиб, сифат курсаткичи мезонининг меъёри бажарилмаётганлиги аниқланди. Шунингдек, лицензия келишуви шартларидан сифат мезонлари ШТТ-ШАТТ ўртасидаги йўқотувлар меъёри барча вилоят корхоналарида статистик ҳисоботлар қурилмасдан, реал имкониятлар ҳисобга олинмаган ҳолда белгиланган. Умумий шаҳарлараро қақурувларнинг сўзлашув билан тугагани Сирдарё, Сурхондарё, Самарқанд, Бухоро вилоятларида бажарилган, Қашқадарё, Жиззах вилоятларида эса бажарилмаган. Самарқандда 13 та, Сирдарё ва Жиззахда 4 та, Сурхондарё ва Қашқадарёда битта туман марказидан вилоят марказига автомат тарзда чиқиш ташкил қилинмаган. Телефон каналларидаги ўтқовлар ҳар 1000 канал-км да, канал-соатда Сурхондарё, Самарқанд, Бухоро вилоятларида бажарилган. Қашқадарё, Жиззах, Сирдарё вилоятларида меъёридан юқоридир.

Халқаро стандартлар, Халқаро электралоқа уюшмаси тавсиялари, Ўзбекистон Республикаси Алоқа вазирлиги талаблари асосида тармоқни эксплуатация қилиш жавобгарлиги ва ташкил қилиш шарти бўйича иккинчи электрманба Жиззах вилоятида 12 та туманнинг 5 тасида, Қашқадарёда 14 тадан 4 тасида, Бухорода 12 тадан 9 тасида, Самарқандда 8 тумандан 4 тасида йўқ, Сирдарё вилоятида эса тўлиқ таъминланган.

Дизель оператор агрегатлари Самарқандда 18 та тумандан 4 тасида йўқ. Жиззах вилоятининг Зафаробод туманида аккумулятор батареясининг битта 24 вольтлиси йўқ, 60 вольтлиси эса яроқсиз ҳолда.

Қуруқ ҳаво босими остига Жиззах вилоятида 103 кабелдан 74 таси (64 фоиз) қўйилган, 50 фоизда ҳаво сарфи меъёрида. Сурхондарёда 178 кабелдан 168 таси (94 фоиз) қўйилган бўлиб, 55 фоиз ҳаво сарфи уз меъёридадир. Бухорода 65 фоиз меъёрида, Сирдарё, Қашқадарё ва Самарқанд корхоналарида доимий ҳаво босими (ПВД) ҳисоботи нотўғри берилган. Компрессор сигнал ускуналари Жиззах вилоятининг 12 туманидан 6 тасида, Самарқандда эса 18 туманнинг 9 тасида ўрнатилмаган.

Қишлоқ телефон тармоғи АТС-ларидан туман марказига чиқиш ташкил қилинмаган. Бу курсаткич Жиззахда 81 тадан 38 тасида, яъни 46 фоиз, Сирдарёда 138 тадан 16 тасида — 12 фоиздир.

«2010 йилгача республика телекоммуникация тармоқларини тараққий эттириш ва ривожлантириш Миллий дастури» режаси Сирдарё вилоятида тўлиқ бажарилган. Қашқадарё, Сурхондарё, Самарқанд ва Бухоро вилоятларида белгиланган режанинг қисман бажарилишига эришилган. Жиззах вилоятида эса ўтган 1995-97 йилларда бу борада ҳеч қандай иш олиб борилмаган.

Юқоридаги текширишларда аниқланган камчиликлар юзасидан 25 та лицензияга вазм курсатма берилиб, 19 рақбар ходим маъмурий жавобгарликка тортилди.

Шавкат ИСЛОМОВ,
Давлат алоқа назорати
бошлиғи



Ўтган йили кўҳна Бухорода хорижий ҳамкорлар билан замонавий рақамли алоқа станциялари ишга туширилган эди. Ҳозир ана шу алоқа воситалари самарали ишлаб, бухороликларнинг мушқулларини осон қилмоқда.

Суратда: Бухоро шаҳридаги марказий АТСнинг бошқарув пулти.

Суратқаш Т. ЛУТФУЛЛАЕВ

● **Матбуотда «Вилоятлар ва Тошкент шаҳар ҳокимликлари аппарати тузилмасини такомиллаштириш тўғрисида» Ўзбекистон Республикаси Вазирлар Маҳкамасининг Қарори эълон қилинди.**

● Озарбойжон Республикаси Президенти Ҳайдар Алиев 18-19 июнь кунлари расмий ташриф билан Ўзбекистонда бўлди.

● **Матбуотда «Ўзбекистон Республикаси маҳаллий телефон алоқасидан фойдаланиш қоидалари» эълон қилинди.**

● Президент ҳузуридаги Давлат ва жамият қурилиши академиясида Германиянинг Конрад Аденауэр жамғармаси, республика Оммавий ахборот воситаларини демократлаштириш ва куллаб-қувватлаш иқтисодий-сиёсий фонди ҳамда «Қамолот» жамғармаси ҳамкорлигида ташкил этилган журналистларни қайта тайёрлаш халқаро жамоатчилик марказининг тақдимот маросими ўтказилди.

ОЛАМДА НИМА ГАП?

• Янгиликлар • Воқеалар • Хабарлар

● Грознийда Чеченистон Республикаси Президенти Аслан Масхадов раҳбарлигида ўтказилаётган жиноятчиликка қарши кенг миқёсли «Хуқуқ—тартитбот қалқони» тадбирининг иккинчи босқичи яқунланди. Унда мингдан ортқ ҳуқуқни муҳофаза этиш идоралари ходимлари қатнашди. Тадбир давомида гаровга олинган 6 нафар шахс озод этилди. Аммо Чеченистонда исзис йўқолган беш нафар россиялик журналистнинг тақдирини ҳамон номаълумлигича қолмоқда.

● Жаҳон банки Россия Федерациясига умумий ҳажми 884,6 миллион АҚШ доллари миқдоридидаги 6 та кредит ажратишни мўлжалламоқда.

● **Истамбулда Туркия, Эрон, Покистон, Миср каби 8 мусулмон давлат ва ҳуқумат раҳбарларининг уч кунлик учрашуви ниҳоясига етди.** Туркия Бош вазири А. Эрбакан ташаббуси билан ташкил этилган ушбу учрашувда бу 8 мусулмон давлатининг Фарбнинг тараққий этган 7 та давлати каби ўзига хос уюшмасини ташкил этиш кўзда тутилган.

ТАЙИНЛАШ

Ўзбекистон Республикаси Алоқа вазирининг буйругига кўра Тоҳир Ғафурович РАҲИМОВ «Ўзбекмаҳаллийтелеком» Давлат маҳаллий электралоқа бирлашмасининг Бош директори этиб тайинланди.

АЗИЗ МУШТАРИЙЛАРИ

«Хабар» газетасига 1997 йилнинг иккинчи ярим йиллиги учун обуна давом этмоқда.

Нашир кўрсаткичи:
Якка тартибдаги обуначилар учун — 64600.
Ташкилот ва корхоналар учун — 64590.

Мухтарам газетқон! Ҳар ҳафтанинг муборак жума кунини «Хабар» хонадонингизга турли хил янгилик ва хабарлар олиб боради деган умиддамиз.

Республикамизда «Уздунробита» ўзбек-америка қўшма корхонаси уяли алоқа тизимини янги технологиялар ҳисобига кун сайин такомиллаштириб, кенгайтириб бормоқда. Утган йили мазкур қўшма корхона юртимизнинг бир қатор йирик шаҳарларида янги коммутатор ва базавий станциялар қуриб, ўз миқозлари сафини кенгайтирди.

Айни пайтда қўшма корхона sanoat шахри бўлмиш Чирчиқда уяли алоқа тизимини бунёд этишга чоғланмоқда. Ушбу уяли алоқа фақат Чир-

қишлоқларда яшовчи аҳоли, ишбилармонлар, фермер хўжалик ва ташкилот раҳбарларига беминнат хизмат кўрсатмоқда. Шунингдек, мазкур худудда Шампань, Красногорск, Билдирсой, Қизилтоғ каби посёлкалар борки, мутахассислар бу жойларда ҳам замонавий алоқа хизматини йўлга қўйиш ниятидирлар.

«Уздунробита»нинг уяли алоқа тармоғи Чирчиқ ва қўшни туманларда фақат алоқа соҳаси ривожига эмас, балки бу худудда иктисодиётнинг ўсишига ҳам хизмат қилади.

ЧИРЧИҚДА УЯЛИ АЛОҚА

чик шахрида эмас, балки унга қўшни бўлган туман ва ўнлаб қишлоқлар, умуман, айлана-си 40 километр бўлган худудда хизмат қилади.

Уяли станция Чирчиқ шаҳрида энг банд майдончада жойлашган 2-АТС биносига ўрнатилди. Бу ерда қисқа фурсат ичида барча ишлар бажарилди, техник синовлар амалга оширилди. Натيجаси эса маълум — станция фойдаланишга топширилди. Режага мувофиқ станция 300 миқозга хизмат кўрсатиши зарур эди, ammo «Уздунробита» мутахассислари бу ердаги имкониятни тўлиқ ўрганишиб, миқозлар сафини яна кенгайтириш мумкин деган хулосага келишди. Шундай қилиб, қўшма корхона станцияга қўшимча жиҳозлар ўрнатиб, унинг хизмат даҳимини кенгайтиришга киришди.

Хозирда уяли алоқа тизими бутун Чирчиқ шаҳри ва унга қўшни бўлган Қўрай, Бўстонлик, Янгибозор, Паркент туманларини қамраб олган. Мазкур замонавий алоқа воститаси Қоратела, Оқуал, Жумабозор, Чинобод, Полторацкое (Қозғистон), Искандар, Хондайлик, Сойлик, Октош, Чимбойлик каби энг чекка

Олдинлари кабель орқали алоқани йўлга қўйиш учун алоқа линия устунлари, қанчадан-қанча жиҳозлар керак бўлар эди. Бунинг учун ўз навбатида кўплаб маблаг сарф қилинар эди. Эндилкида бу ошмакча сарф-харажату ташвишларга ҳожат йўқ. Уяли алоқа тармоғи анчайин тежамкор ва сифатли алоқани таъминлайди. Беминнат дастёр — жажжи уяли телефонлар орқали ер усти стационар алоқа тармоқлари ердамида Тошкент шаҳрига ула-ниб, у ердан республикамизнинг барча худудларидаги миқозлар билан боғланиш имконияти мавжуд. Мана шундай техник имкониятдан фойдаланиб, «Уздунробита» босқичма-босқич хизмат ҳақларини камайитириб борапти.

«Уздунробита» Чирчиқ уяли телефон тармоғини Янгийўл, кейинроқ эса Олмаликда қурилаган уяли станцияларга улаш, бу тармоқ ишларини бир-бирига мувофиқлаштириш каби чора-тадбирларни амалга оширяпти. Пойтахт вилоятида ана шундай энг замонавий телефон алоқа хизмати жорий қилинаётир.

А. ДАРВЕШОВ

КАМОЛОТ ПАЛЛАСИ



Маълумки, балоғатга худди маҳорат каби йиллар мобайнида эришилади. Собир Ҳотамов Ҳотамов ўзининг 60 ёшини замондошларига хос оддий, айни чоғда ўзигагина хос йўлдан ўтиб, кўпчиликнинг ҳавасини келтирадиган камолот ва маҳорат соҳиб сифатида кутиб олди.

Ўзи кейинги етти йил мобайнида бошқараётган «Тошкент Почтамти» корхонасида оддий почтачи ходимлар, операторлар, шаҳардаги туман почта боғламаларининг раҳбарлари ва мутахассислари орасида яхши раҳбар, моҳир ташкилотчи, ташаббускор инсон сифатида катта обрўга эгадир. Почта алоқаси соҳаси Собир Ҳотамов учун оддийгина иш эмас, бир марта танланган бир умрлик касб-кори, унинг қисматиридир. Тўғри, аввал у радиоллаштириш хизматида иш бошлади. Ўсмирлик чоғларида мантир шогирди сифатида Зангиота тумани хонадонларида юриб, радиотингловчиларнинг дебиторлик қарзларини йигди. Икки йил ўтиб, почта

бўлимига ишга кирди. Ҳарбий хизматдан кейин яна қадрли почта бўлимига қайтди. Астойдил ишлади, тинимсиз изланди, ташаббус кўрсатди. Айни чоғда Тошкент Алоқа политехникумида (ҳозирги Тошкент Алоқа коллежи) кейинчалик эса халқ ҳўжалиги институтида таҳсил қўрди. Меҳнат, билим ва таҳриб саамарасини берди. Ўзи раҳбарлик қилган идораларда омади чоғиб, одамлар ҳурматини қозонди. Бунга осонликча эришмади.

Темрийўл қошидаги почтамтда ишлар экан, почта оқими тўхтаб қолмаслиги учун кечаю-кундуз ишлашга тўғри келди. Тошкент шаҳар матбуот тарқатиш агентлигида газета дўконлари тармоғини тубдан яхшилаш ва хизмат ҳажмини кенгайтириш билан жиҳдий шуғулланди. Алоқа лойиҳа институтида эскирган жиҳозларни янгили билан алмаштириш, нуфузли муассасанинг моддий-техника базасини мустаҳкамлашга катта куч сарфлади. Баъзи вазифаларда у бир эмас, икки марта ишлади — ишни тартибга келтириш учун шундай қилиш керак бўлди.

Мана, 1990 йилдан бўён Собир Ҳотамович Ҳотамов «Тошкент почтаси» (Тошпочтамт) корхонасига раҳбарлик қилмоқда. Бу етти йилнинг қанчалик мураккаб ва машаққатли давр бўлгани барчага аён. Хусусан, почта алоқаси соҳасида хизмат ҳажми ва даромад кескин камайди. Лекин Тошпочтамт мушкул вазиятдан тўғри йўл топиб чиқа олди. Ишлаб чиқариш билан боғлиқ бўлмаган сарф-харажатларни камайитириш, янги ва илгор технологияни жорий қилишга алоҳида эътибор қаратилди. Натижада алоқа бўлимлари тармоғи, мутахассислар жамоаси сақлаб қоллинди. Ходимларга тўлиқ маошни ўз вақтида етказиб бериш йўлга қўйилди. Хозирда ўртача маош уч минг сўмдан кўпроқ. Мутахассисларга бир неча квартиралар ажратиб берилди. Компьютерлаштириш бўйича минимум дастур амалга оширилди — хи-собхона кўрсаткичлари, пул юборт-малари ҳаракати ЭҲМга кўчирилди. Кейинги пайтларда раҳбарнинг ташаббуси билан почта ташвиш учун 20 та «Дамас» ва «Тико» энгил автомашиналари сотиб олинди. Қисқа вақт ичида почтамтда фақатгина почта ташвиш бўйича тўрт миллион сўмдан кўпроқ маблагни иктисод қилишга эришилди. Аҳолига хизмат кўрсатиш ҳажми ошди. Утган беш ой мобайнида даромад қутилганидан 40 фоиз юқори бўлди.

Собир Ҳотамов 60 ёшда ҳам ҳали сергайрат, фалол, ташаббускор. Бўёкда болалар оёқга турган, наваралар ўсмоқда. Уларга қараб қалби яшаради. 60 ёш ўтган умр сарҳисоб қилинадиган улкан довои. Балоғат галласи, камолот даври. Олинди эса одамларга хизмат қилишдек шарафли меҳнат. Мамлакатимиз Президенти томонидан эълон қилинган Инсон маффаатлари йилида почта ходимларининг эзгу мақсади аҳолининг почта алоқасига бўлган талаб ва эҳтижларини тўла қондиришидир. Ўзининг сеvimли ва савоб иши билан машғул малакали мутахассис, обрўли раҳбар Собир Ҳотамович ҲОТАМОВ ҳам шундай олижаноб мақсад билан яшаётган тажрибали алоқачилардан биридир.

А. КУДИНОВ

• Сизга қандай хизмат кўрсатишмоқда?

ҲОЖАТБАРОРЛАР

Искандар Ражабовни ҳаммаслари ўз ишини яхши биладиган, моҳир алоқа бўлими бошлиғи сифатида билишадди. Мана, бир неча йилдирки, унинг етакчилигидаги «Газарак» почта алоқа бўлими Сарисийё туман почта алоқа боғламасининг энг илгор жамоалари қаторида тилга олинмоқда. Шу боис ҳам утган йилдаги меҳнат муваффақиятлари туфайли почта бўлими вилоят почта алоқа корхонасининг «Фахрий ёрлиғи» билан тақдирланди.

Айни пайтда бўлим хизматчилари 278 нафар кўп болали аёлларга ва 350 нафар нафақачиларга ўз вақтида беминнат хизмат кўрсатиб келишмоқда. Шунингдек, улар ҳар ойда 65-70 нафар ҳамқишлоқларига пул жўнатмаларини етказиб беришмоқда ва ҳар куни 40-45 дона хатларни республикамизнинг турли вилоят ва туманларига жўнатмоқда. Бундан ташқари бўлим ходимлари аҳолидан телефон, электр қувватидан фойдалангани учун пул тўловларини нафақат бўлимининг ўзида, балки уйларга ҳам бориб йиғмоқдалар. Пировардида ҳар ойда 55-60 минг сўм пул тушумига эришилмоқда.

«Газарак» почта алоқа бўлими жамоаси 1997 йил

учун матбуот нашрларига обуна қилиш мавсумини ҳам юқори савияда ўтказди. Фўқаролар 150 нухадан зиёд турли газета-журналларга обуна қилинди. Бу борадаги режалар 137 фоизга ошириб бажарилди. Айниқса, обуна мавсумида тарғибот ва тушунтириш ишларини кўнгилдагидек олиб бориб, ўз ишига масъулият билан ёндошган почтачи Шодикул Мустафоқулов тўғрисида ҳар қанча илиқ сўзлар айтса арзийди.

Маълумки, сўнгги йилларда матбуот нашрларига обуна бўлишининг кескин камайишига сабаб — бир томондан нарх-навонинг кескин ошганилиги бўлса, иккинчи томондан айрим почта ходимларининг ўз ишларига совуққонлик билан ёндошганилиги, газета-журналларни ўз эгаларига муддатда етказиб бермасликларидир. Аммо «Газарак» почта алоқа бўлимида бу ишга алоҳида эътибор берилиб, хат-хабар ва газета-журналлар эгаларига зудлик билан етказилади. Шу боис ҳам қишлоқ аҳоли алоқа бўлимининг қаққон, хуш-фёъл, ҳожатбарор ходимлари ишидан хурсанд.

Аннамурод ЖУМАҚУЛИЕВ,
Сурхондарё вилояти

Корхоналар ва хонадонлардаги уй телефонларининг бир меъёрида, сифатли ишлаб туриши кўп жиҳатдан электромантўрларга боғлиқлиги барчага аён. Чортоқ тумани электралоқа боғламасида 28 йилдан бери ишлаб келаётган Тошўлат Ҳамроев турли корхоналар ҳамда 550 дан ортиқ уйлардаги телефонларга хизмат кўрсатади. Алоқачининг камтарона меҳ-

ИБРАТЛИ ТАШАББУС

натидан Ҳ. Олимжон, Ф. Фулом, И. Туланов, Й. Охунбоев номли ҳамда Уйчи, Янгибод қўчаларида истикомат қилаётган аҳоли хурсанд. Бундан 2-3 йил олдин Тошўлат ака ташаббус кўрсатиб, телефон ҳақини уйма-уй юриб, ўзи йиғиб бошлади. Бу иш ўз самарасини кўрсатди. Жорий йилнинг уч ойида электромантўр уй телефонлари хизмати учун аҳолидан 599 16 сўм пул йиғиб, боғлама ҳазинасига топширди.

Чортоқ тумани электралоқа боғламаси маъмурияти ташаббускор электромантўр Тошўлат Ҳамроев каби алоқачиларни қўл соати, пул муқофотлари, Фахрий ёрлиқлар билан тақдирламоқда.

Тўра ҲАМЗАЕВ,
Наманган вилояти

• Алоқа матбуот кўзгусида

ТЕЛЕФОН ХАЛАҚИТ БЕРАДИ

Бельгияда ҳайдовчиларнинг йўл-йўлакай телефонда сўзлашувларини таъқиқловчи қону муҳокама қилинмоқда. Бельгия йўллар ҳавфсизлиги институтининг берган маълумотларига кўра йўлларда телефон орқали сўзлашув мамлакатда автоҳалокатлар сонини уч баробарга кўпайтириб юборган. Институт ходимларининг тақлифига кўра, йўлларда ҳайдовчилар эмас, балки йўловчилар сўзлашишлари лозим. Испания, Италия ва АҚШнинг айрим штатларида ҳам ана шундай қатъий қоида жорий этилган.

Ўзбекистон Республикаси Алоқа вазирлиги «Ўзбекмаҳаллийтелеком» Давлат маҳаллий электралоқа бирлашмаси Бош директори Тоҳир Гафурович Раҳимовга волидаи мухтарамаси

Азиза РАҲИМОВАнинг вафоти муносабати билан чуқур таъзия изҳор этади.

Республика радиоалоқа, радиоэшиттириш ва телевидение бирлашмасининг Тошкент радиомаркази раҳбарияти ва касабга мухтарамаси жамоаси меҳнат фахрийси

Рашид РАҲМОНОВнинг вафоти муносабати билан марҳумнинг oilаси ва қариндош-уруғларига чуқур таъзия изҳор қилади.

